



Broj: 01/2-04-728-2/22  
Breza, 22.04.2022. godine

Na osnovu člana 64. stav (1) tačka (b), člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14) i člana 39. Statuta Općina Breza („Službeni glasnik Općine Breza“ broj: 7/21), na Preporuku Komisije za javne nabavke (broj 02/1-2-11-732-7/22 od 20.04.2022. godine) u postupku javne nabavke radova: „Obnavljanje i sanacija trotoara u užem urbanom dijelu grada“ Općinski načelnik, d o n o s i

**ODLUKU**  
**o izboru najpovoljnijeg ponuđača**  
**„Obnavljanje i sanacija trotoara u užem urbanom dijelu grada“**

**Član 1.**

Prihvata se Preporuka Komisije za javne nabavke (broj 02/1-2-11-732-7/22 od 20.04.2022. godine) i Ugovor za javnu nabavku radova: „Obnavljanje i sanacija trotoara u užem urbanom dijelu grada“ dodjeljuje se izabranom ponuđaču „TERMO-BETON“ d.o.o. Breza, ponuda (broj: 126/22 od 07.04.2022. godine) za ponudenu cijenu od 39.032,85 KM, bez PDV-a, odnosno 45.668,43 KM sa PDV-om, kao najbolje ocijenjenom ponuđaču.

**Član 2.**

- (1) Prijedlog Ugovora o nabavci dostavit će se na potpis izabranom ponuđaču u roku od 10 (deset) dana računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u skladu sa članom 45. stav (1) tačke c) i d) Zakona o javnim nabavkama u roku od 5 (pet) dana nakon što svi ponuđači budu obaviješteni od strane ugovornog organa o rezultatima postupka nabavke, a prema tački C)1)1. tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

**Član 3.**

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu, svako u okviru svojih nadležnosti.

**Član 4.**

Ova Odluka objavit će se na web-stranici Općine Breza, [www.breza.gov.ba](http://www.breza.gov.ba), istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

**Član 5.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

**Obrazloženje**

Postupak javne nabavke pokrenut je Zahtjevom za pokretanje postupka javne nabavke broj:02/1-2-11-732/22 i Odlukom o pokretanju postupka javne nabavke broj: 01/2-04-728/22 od 22.03.2022. godine.

Javna nabavka je provedena putem postupka konkurentskog zahtjeva za dostavu ponuda.

Procijenjena vrijednost javne nabavke radova: „Obnavljanje i sanacija trotoara u užem urbanom dijelu grada,“ bez PDV-a iznosi 39.000,00 KM.

Tenderska dokumentacija broj:02/1-2-11-732-1/22 od 23.03.2022. godine i Obavještenje o nabavci broj:726-7-3-16-3-10/22 od 23.03.2022. godine su objavljeni na Portalu javnih nabavki.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 10 (deset) ponuđača i to:

1. „TERMO-BETON“ D.O.O.
2. EKAPIJA D.O.O.
3. AME D.O.O. BREZA
4. BBS EUROPE
5. MUŠINBEGOVIĆ GRADNJA D.O.O. VISOKO
6. TRANSPORTBETON D.O.O.
7. „GRADPROM“ D.O.O. SRBAC

Komisija za javnu nabavku imenovana je Rješenjem (broj 01/2-04-728-1/22 od 29.03.2022. godine).

Komisija za javnu nabavku dostavila je dana 11.04.2022. godine, Zapisnik o pregledu i ocjeni ponuda, broj: 02/1-2-11-732-6/22 i Preporuku o izboru najpovoljnijeg ponuđača, broj: 02/1-2-11-732-7/22 u postupku javne nabavke: „Obnavljanje i sanacija trotoara u užem urbanom dijelu grada.“

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije)
- da su blagovremeno zaprimljene 2 (dvije) ponude
- da nije bilo neblagovremeno zaprimljenih ponuda
- da su ponude ponuđača: „TERMO-BETON“ d.o.o. Breza i „AME“ d.o.o. Breza, prihvatljive ponude.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, u skladu sa kriterijima iz tenderske dokumentacije, te kroz sistem „E-nabavke“ provela „e-Aukciju,“ u skladu sa Pravilnikom o uslovima i načinu korištenja e-Aukcije od 21.07.2016. godine.

E-aukcija je održana dana 11.04.2022. godine u 09,00 sati.

Iz izvještaja o toku i završetku „e-aukcije“ koji je kreiran 11.04.2022. godine u 9,10 sati jasno je vidljivo :

**POČETNA RANG LISTA PONUĐAČA KOJI SU POZVANI DA UČESTVUJU U E-AUKCIJI:**

| R.b. | Naziv ponuđača          | IDB/JIB       | Početna cijena u KM bez PDV-a | Rang |
|------|-------------------------|---------------|-------------------------------|------|
| 1.   | TERMO-BETON d.o.o.Breza | 4218300540007 | 39.032,85                     | 1    |
| 2.   | AME d.o.o.Breza         | 4218105170009 | 45.480,23                     | 2    |

**KONAČNA RANG LISTA PONUĐAČA KOJI SU UČESTVOVALI U E-AUKCIJI:**

| R.b. | Naziv ponuđača          | IDB/JIB       | Konačna cijena u KM bez PDV-a | Umanjenje cijene | Rang |
|------|-------------------------|---------------|-------------------------------|------------------|------|
| 1.   | TERMO-BETON d.o.o.Breza | 4218300540007 | 39.032,85                     | 0%               | 1    |
| 2.   | AME d.o.o.Breza         | 4218105170009 | 45.480,23                     | 0%               | 2    |

Procijenjena vrijednost javne nabavke radova: „Obnavljanje i sanacija trotoara u užem urbanom dijelu grada,“ iznosi 39.000,00 KM bez PDV-a.

Ponuđač „TERMO-BETON“ d.o.o. Breza je ponudio da će radove izvesti po cijeni 39.032,85KM bez PDV-a, koja je veća u iznosu 32,85 KM, bez PDV-a, od procijenjene vrijednosti.

S tim u vezi, Komisija donosi zaključak da se predmetna nabavka poništi iz razloga propisanih članom 69. Stav (2) tačka e) Zakona o javnim nabavkama Bosne i Hercegovine („Službeni glasnik BiH“ broj 39/14), odnosno iz razloga što je cijena prihvatljive ponude veća od obezbijedenih sredstava za predmetnu nabavku.

Ukoliko Ugovorni organ obezbijedi nedostajuća sredstva i ako utvrdi da je najpovoljnija ponuda u skladu sa tržišnim uslovima i da može obezbijediti dodatna sredstva za realizaciju nabavke, u tom slučaju može izvršiti izbor najpovoljnije ponude za javnu nabavku radova: „Obnavljanje i sanacija trotoara u užem urbanom dijelu grada“ i dodijeliti ugovor ponuđaču „TERMO-BETON“ d.o.o. Breza, ponuda (broj 126/22 od 07.04.2022. godine), za ponuđenu cijenu 39.032,85 KM bez PDV-a, odnosno 45.668,43 KM sa PDV-om.

Ugovorni organ je, u skladu sa preporukom Komisije, obezbijedio nedostajuća sredstva i ustanovio da je ponuda u skladu sa tržišnim uslovima, te je utvrđeno da su ispunjeni uslovi za prihvatanje ponude ponuđača „TERMO-BETON“ d.o.o. Breza (Dopis broj:03/1-11-1078/22 od 19.04.2022. godine).

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

## POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke. Žalba se podnosi u pisanoj formi Uredu za razmatranje žalbi, a putem Ugovornog/prvostepenog organa.

Predlagač: Služba za privredu, Salih Hasanspahić

Obrađivač: Jasmina Došlić

### DOSTAVLJENO:

- 1x Svim ponuđačima koji su učestvovali u postupku JN
- 1x Služba za privredu
- 1x Služba za finansije, inspeksijske poslove i opću upravu
- 1x Viši samostalni referent - administrator mreže
- 1x Evidencija
- 1x a/a

OPĆINSKI NAČELNIK

Vedad Jusić